

景明刻本兩京遺編

卷之四

四

賈子卷第四

匈奴

竊料匈奴扞彊大在六萬騎五口而出介卒
一人五六三十此即戶口三十萬耳未及千
石大縣也而欲敢歲言侵盜屢欲亢禮妨害
帝義甚非道也陛下何不使能者一試此理
將為陛下以耀蟬之術振之為此立一官置
一吏以主匈奴誠能此者雖以千石居之可
也陛下肯聽其事計彼令中國日治匈奴日

危大國大富匈奴適亡吒犬馬行理勢然也將必以匈奴之衆為漢臣民制之令千家而為一國列處之塞外自隴西延至遼東各有分地以衛邊使備月氏灌疏之變皆屬之直郡然後罷戎休邊民天下之兵帝之威德內行外信四方悅服則愚臣之志快矣不然帝威不遂心與嘿嘿竊聞匈奴當今遂羸此其示武昧利之時也而隆義渠東胡諸國又頗來降以臣之愚匈奴且疑將一材而出奇厚

贄以責漢不大興不已旁午走急數十萬之
衆積於北方天下安得食而饋之臨事而重
困則難為工矣陛下何不蚤圖建國者曰匈
奴不敬辭言不順負其衆庶時為寇盜撓邊
境擾中國數行不義為我狡猾為此柰何對
曰臣聞伯國戰智王者戰義帝者戰德故湯
祝網而漢陰降舜舞干羽而南蠻服今漢帝
中國也宜以厚德懷服四夷舉明義博示遠
方則舟車之所至人力之所及莫不為畜又

且孰敢忤然不承帝意陛下為臣建三表設
五餌以此與單于爭其民則下匈奴猶振槁
也夫無道之人何宜敢捍此其久陛下肯幸
用臣之計臣且以事勢諭天子之言令匈奴
大衆之信陛下也為通言耳必行而弗易夢
中詐人覺且不背其信陛下已諾若信日出之
灼灼故聞君一言雖有微遠其志不疑仇讐
之人其心不殆若此則信踰矣所圖莫不行
矣一表臣又且以事勢諭陛下之愛令匈奴

之自視也苟胡面而我狀者其自以為見愛
於天子也猶弱子之還慈母也若此則愛諭
矣一表臣又且諭陛下之好令胡令之自視也
苟其校之所長與其所二一可以當天子之
意若此則好諭矣一表愛人之狀好人之技
仁道信為大操帝義也愛好有實已諾可期
十死一生彼必將至此謂三表凡賞於國此
不可以均賞均則國窾而尚薄不足以動人
故善賞者踔之駁轢之從而時厚之令視之

之見也誦之是語也乃可傾一國之心陛下
幸聽臣之計則臣有餘財匈奴之來者家長
已上固必衣繡家少者必衣文錦將為銀車
五乘大雕畫之駕四馬載綠蓋從數騎御驂
乘且雖單于之出入也不輕都此矣令匈奴
降者時時得此而賜之耳一國聞之者見之
者希心而相告人冀幸以為吾至亦可以得
此將以壞其目一餌匈奴之使至者若大降
者也大眾之所聚也上必有所召賜食焉飯

物故四五盛美載膜炙肉且醢醢方數尺於
前令一人坐此胡人觀欲者固百數在旁得
賜者之喜也且笑且飯味皆所嗜而所未嘗
得也令來者時時得此而饗之耳一國聞之
者見之者垂涕而相告人徐憚其所自以吾
至亦將得此將以此壞其口一餌降者之傑
也若使者至也上必使人有所召客焉令得
召其知識胡人之欲觀者勿禁令婦人傳白
墨黑繡衣而侍其堂者二千二人或薄或揜

為其胡戲以相飯上使樂府幸假之但樂吹
簫鼓鞀倒挈面者更進舞者踰者時作少間
擊鼓舞其偶人莫時乃為戎樂携手胥彊上
客之待婦人先後扶持之者固十餘人令使
者降者時或得此而之耳一國聞之者見
之者希盱相告人人悵悵唯恐其後來至也
將以此壞其耳一餌凡降者陛下之所召幸
若所以約致也陛下必有時有所富必令此
有高堂邃宇善厨處大困京既有所編馬庫有

陣車奴婢諸嬰兒畜生具令此時大具召胡客饗胡使上幸令官助之具假之樂令此其居處樂虞困京之畜皆過其故王慮出其單于或時時賜此而為家耳匈奴一國傾心而冀人人恹恹惟恐其後來至也將以此懷其腹一餌於來降者上必時時而有所召幸拊循而後得入官夫胡大人難親也若上於故嬰兒召貴人子好可愛者上必召幸大數十人為此繡衣好閑且出則從入則更侍上即

饗胡人也大轂抵也客胡使也功士武士固
近侍傍胡嬰兒得近侍側故貴人更進得佐
酒前上乃幸自御此薄使付酒錢時人偶之
為間則出繡衣具帶服賓餘時以賜之上即
幸拊胡嬰兒擣適之戲弄之乃授炙幸自啗
之出好衣閑且自為賴之上起胡嬰兒或前
或後胡貴人既得奉酒出則服衣佩綬貴人
而立於胡令數人得此而居耳一國聞者見
者希盱而欲人人恹恹惟恐其後來至也將

以此壞其心一餌故牽其耳牽其目牽其口
牽其腹四者已牽又引其心安得不下下胡
柳耘也此謂五餌若夫大變之應大約以權
決塞因宜而行不豫形尊翁主重相室多其
長吏衆門大夫皆謀士也必足之財且用吾
人且用其尊觀其限窺其謀中外符節適繡
拘也夫或人且安得久捍若此故三表已諭
五餌既明則匈奴之中乖而相疑矣使單于
寢不聊寐飯食其口裨劒挾弓而蹲穹廬之

隅左視右視以為盡讐言也彼其群臣雖欲母
走若虎在後衆欲無來恐或軒之此謂勢然
其貴人之見單于猶迂虎狼也其南面而歸
漢也猶弱子之慕慈母也其衆人之見將吏
猶畱迂讐讐言也南鄉而欲走漢猶水流下也
將使單于無臣之使無民之守夫惡得不係
頸稽顙請歸陛下之義哉此謂戰得彼匈奴
見畧且引衆而遠去連比有數夫關市者故
匈奴所犯滑而深求也願上遣使厚與之和

以不得已許之大市使者反因於要險之所
多為鑿開衆而延之關卒吏使足以自守夫
每一關屠沽者賣飯食者羹臠臠炙者每物
各一二百人則胡人著於長城下矣是王將
彊圯之必攻其王矣以匈奴之饑飯羹臠臠
炙多飯酒此則亡竭可立待也賜大而
愈饑財盡而愈困漢者所希心而募也則匈
奴貴矣以其千人至者顯其二三以其萬人
至者顯其餘人夫顯榮者招民之機也故遠

其五歲近其三年之內匈奴亡矣此謂德勝
曰建三表明五餌盛資翁主禽敵國而后止
費至多也惡得財用而足之對曰請無敢費
御府銖金尺帛然而臣有餘資問曰何以對
曰國有二族方亂天下甚於匈奴之為邊患
也使上下蹇逆天下窵貧盜賊罪人畜積無
已此二族為宗也上去二族弗使亂國天下
治富矣臣賜二族使崇匈奴過足言者或曰
天子不怵人民憲之曰苟或非天子民尚豈

天子也詩曰率土之濱莫非王臣王者天子也苟舟車之所至人迹之所及雖蠻貊戎狄孰非天子之所作也而愾渠頗率天子之民以不聽天子則愾渠大罪也今天子自為懷其民之理也豈有怵人之民哉

勢卑

匈奴侵甚侮甚遇天子至不敬也為天下患至無已也以漢而歲致金絮繒綵是入貢職於蠻夷也顧為戎人為諸侯也勢既卑辱而